



SIUMUT

Inatsisartunut ilaasortaq Akitsinnguaq Olsen

31. januar 2012

Inatsisartut suleriaasianni § 37 naapertorlugu Naalakkersuisunut apeqqutit imaattut saqqummiup-pakka:

Naalakkersuisunut apeqqutit:

- 1) Antibiotika pillugu politikki suna Kalaallit Nunaani peqqinnissaqarfiani atuuppa, sullitanulu antibiotika atorneranut tunngasuni Naalakkersuisut anguniagaat pineqartumi qanoq isik-koqarpa?
- 2) Nunani avannarlerni kisitsitigut naatsorsuutini Kalaallit Nunaat naammattumik peqataatin-neqarpa, Naalakkersuisullu anguniagaat pineqartumi qanoq isikkoqarpat?

Tunngavilersuut:

Nunani Avannarlerni Siunnersuisoqatigiit Ataatsimiinnerini 2011-imni København-imni peqataanini ataasinngorneq 31. oktober 2011 «One Health – Bæredygtig sundhed» (Peqqissuseq ataaseq – Nungusaataanngitsumik peqqinneq)-mi peqataavunga.

Pisumi nunani avannarlerni One Health takussutissiivoq tunngaviusumik nungusaataanngitsumik peqqissuseq nunarsuaq tamakkerlugu ingerlateqqinnejqarsinnaalluartoq. Ilisimaneqartutut *One Health* takussutissaavoq inuit uumasullu nappaataasa avatangiisirut ataqatigiisumik sunniuteqaqati-giittarnerisa kingunerisartagaanik nassuerutiginnineq.

Ataatsimiinnermi maluginiarpara nunani avannarlerni tamatigoortumik antibiotika-nik atuinerit ap-pasinnerpaaffianiititsinissanik siunnerfeqarnerit sulissutigineqartut, sapinngisamillu antibiotika akukinnerpaat atorneqarnissaat sulissutigineqarlutik, tamatumani bakterissat antibiotika-mut aki-uussutissaqalersartut minnerpaaffissamiitinnissaat anguniarlugu.

Ilaatigut Europa Kujataani bakterissat antibiotika-mut akiuussinnaalersimasut ajornartorsiutaalersut peqqutaaqataallutik iliuuseqarnissamik suliniuteqartoqarluni.

Tassungalu atatillugu ersarissaqqusivunga Kalaallit Nunaani innuttaasunut sullitanut antibiotikamik atuinermi peqqinnissaqarfinni qanoq inissisimasoqarneranik.

Nunani Avannarlerni Siunnersuisoqatigiinni suliaqarninni maluginiarpara Kalaallit Nunaani pissutit kisitsisini arlalitsigut ilanngunneqarneq ajormata. Kalaallit Nunaat nunani avannarlerni suleqati-giinnermi peqataavoq, nunanilu avannarlerni allatulli Kalaallit Nunarput naligiisitaalluni kisitsisini ilanngunneqartariaqarpoq.

Ullut suliffiusut qulit iluanni akineqarnissara kissaatigaara.

Akitsinnguaq Olsen, Siumut